

山谷集

四之十

七言古
五言律
七言律
五言絕句

六言絕句
七言絕句

| | | | |
|------|----|---|--|
| 漢書門類 | | | |
| 一〇二 | 三〇 | 號 | |
| 七 | 四 | 函 | |
| 八 | 架 | | |
| 六 | 冊 | | |

| | | | |
|------|---|---|---|
| 內閣文庫 | | | |
| 三 | 五 | 函 | |
| 二 | 〇 | 架 | |
| 一 | 〇 | 二 | 三 |
| 〇 | 六 | 冊 | 號 |
| 漢書類 | | | |

| | | | |
|------|---------|----|--|
| 內閣文庫 | | | |
| 番號 | 漢 10230 | | |
| 冊數 | 6 (2) | | |
| 函號 | 315 | 99 | |




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



刻藝文節山谷先生文集卷第四

宋太史分寧黃庭堅魯直著

明後學莆中方 沉子及校


七言古

送范德孺知慶州

純粹

聖人周希令子儀編

乃翁知國如知兵塞垣草木識威名敵人開戶玩處
女掩耳不及驚雷霆平生端有活國計百不一試藜
九京阿兄兩持慶州節十年麒麟地上行潭潭大度
如卧虎邊人耕桑長兒女折衝千里雖有餘論道經
邦政要渠妙年出補父兄處公自才力應時須春風
於旂擁萬夫幕下諸將思草枯智名勇功不入眼可



用折筮答老胡

次韻李之純少監惠研

黃公山下黃鷄秋持節卹刑曾少休小人負弩得聞
道掃葉張飲林巖幽相傳有石非地產列仙持耒自
羅浮酒酣步出雲雨上南撫方城西嵩丘林端乃見
石空洞猛獸鬣鬣踞上頭鳥道兔迹謀挽致萬牛不
動六丁愁道家蓬萊見仙伯我亦洗湔與清流採藁
贈研頗宜墨近出黃山非遠求乃知此山自才美物
欲致用當窮搜迷邦故令成器晚不琢元非匠石羞

次韻子瞻題郭熙畫秋山

州遜未賜環江南江北飽看山玉堂卧對郭熙

畫發興已在青林間郭熙官畫但荒遠短紙曲折開
秋晚江村煙外雨脚明歸鴈行邊餘疊巘坐思黃甘
洞庭霜恨身不如鴈隨陽熙今頭白有眼力尚能弄
筆映窓光畫取江南好風日慰此將老鏡中髮但熙
肯畫寬作程五日十日一水石

詠李伯時摹韓幹三馬次蘇子由韻簡伯時

兼寄李德素

公麟

太史瑣窓雲雨垂試開三馬拂蛛絲李侯寫影韓幹
墨自有筆如沙畫錐絕塵超日精爽緊若失其一望
路馳馬官不語臂指揮乃知仗下非新羈吾嘗覽觀
在坭馬駑駘成列無權竒緬懷胡沙英妙質一雄可

將十萬雌決非廝養所成就天驥生駒不得之千金
市骨今何有士或不價五穀皮李侯畫隱百寮底初
不自期人誤知戲弄丹青聊卒歲身如閱世老禪師
次韻子瞻和子由觀韓幹馬因論伯時畫天

馬

于闐花驄龍八尺看雲不受絡頭絲西河驄作葡萄
錦雙瞳夾鏡耳卓錐長揪落日試天步知有四極無
由馳電行山立氣深穩可耐珠韉白玉羈李侯一顧
歎絕足領略古法生新奇一日真龍入圖畫在垆群
雄望風雌曹霸弟子沙苑丞喜作肥馬人笑之李侯
論幹獨不爾妙畫骨相遺毛皮翰林評書乃如此賤

肥貴瘦渠未知况我平生賞神俊僧中云是道林師
作駿一

謝黃從善司業寄惠山泉 降

錫谷寒泉楠石俱并得新詩蠱尾書急呼烹鼎供茗
事晴江急雨看跳珠是功與世滌羶腴令我屢空常
晏如安得左轡清頰尾風鑪煮茗卧西湖

次韻錢穆父贈松扇 總

銀鉤玉唾明蠶紙松篔輕涼并送似可憐遠度幘溝
淒適堪今時褰襪子丈人玉立氣高寒三韓持節見
神山應得安期不死草使我蟬蛻塵埃間

戲和文潛謝穆父松扇

猩毛束筆魚網紙松栢織扇清相似動搖懷袖風雨
來想見僧前落松子張侯哦詩松韻寒六月火雲蒸
肉山持贈小君聊一笑不須射雉穀黃間

次韻王炳之惠玉板紙 伯虎

王侯須若綠坡竹哦詩清風起空谷古田小牋惠我
百信知溪翁能解玉鳴磬千杵動秋山裏糧萬里來
輦轂儒林丈人有蘇公相如子雲再生蜀往時翰墨
頗橫流此公歸來有邊幅小楷多傳樂毅論高詞欲
奏雲門曲不持歸掃蘇公門乃令小人今拜辱去騷
甚遠文氣卑畫虎不成書勢俗董狐南史一筆無誤
堂殺青司託錄雖然此中有公議或辱五鼎榮半菽

願公進德使見書不敢求君米千斛

贈鄭郊

高居大士是龍象草堂丈人非熊羆不逢壞衲乞香
飯唯見白頭垂釣絲鴛鴦終日愛水鏡菡萏晚風凋
舞衣開徑老禪來煮茗還尋密竹逕中歸

送鄭彥能宣德知福昌縣 僅

往時河北盜橫行白晝驅人取 一作城郭唯聞不犯
鄭冠氏犬卧不驚民氣樂祇今化兵作鋤耰田舍老
翁百不憂銅音去作福昌縣山中讀書民有秋福昌
愛民如父母當官不擾萬事舉用才之地要得人眼
中虛席十四五不知諸公用心 嘗采卓茂可人否

雙井茶送子瞻

人間風月不到處天上玉堂森寶書想見東坡舊居
士揮毫有斛瀉明珠我家江南摘雲腴落磴霏霏雪
不如為公喚起黃州夢獨載扁州何五湖

和荅子瞻

一月空回長者車報人問疾遣兒書翰林貽我東南
句窓間默坐得玄珠故園溪友膾腹腴遠包春茗問
何如玉堂下直長廊靜為君滿意說江湖

子瞻以子夏立明見戲聊復戲荅

化工見彈大早計端為失明能著書邇來似天會事
發淚睫見光猶墮珠喜公新賜紫琳腴上清虛皇對

父如請天還我讀書眼願載軒轅訖鼎湖

省中烹茶懷子瞻用前韻

閤門井不落第二竟陵谷簾定誤書思公煮茗共湯

鼎蚯蚓竅生魚眼珠置身九州之上腹爭名燄中沃

焚如但恐次山骨磊隗終便平酒舫石魚湖元次山

歌曰石魚湖似洞庭夏水欲瀟君山青
疾風三日作夫浪不能廢人運酒舫

以雙井茶送孔常父武仲

校經同省並門居無日不聞公讀書故持茗椀澆舌
本要聽六經如貫珠心知韻勝舌知腴何似寶雲與
真如湯餅作魔應午寢慰公渴夢吞江湖

常父荅詩有煎點徑須傾綠珠之句復次韻

戲荅

小鬟雖醜巧粧梳掃地如鏡能檢書欲買娉婷供煮茗我無一斛明月珠知公家亦闕掃除但有文君對相如政當為公乞如願作牋遠寄宮亭湖

書一作牋

戲呈孔毅父

平仲

管城子無食肉相孔方兄有絕交書文章功用不經世何異絲窠綴露珠校書著作頻詔除猶能上車問何如忽憶僧床同野飯夢隨秋鴈到東湖

以團茶洮州綠石研贈無咎文潛

晁子智囊可以括四海張子筆端可以回萬牛自我得二士意氣傾九州道山延閣委竹帛清都太微望

冕旒貝宮胎寒弄明月天網下罩一日收此地要須無不有紫皇訪問富春秋晁無咎贈君越侯所貢蒼玉璧可烹玉塵試春色澆君胷中過秦論斟酌古今來活國張文潛贈君洮州綠石含風漪能淬筆鋒利如錐請書元祐開皇極第入思齊訪落詩

謝送碾賜壑源揀芽

商雲從龍小蒼壁元豐至今人未識壑源包貢第一春緗匳碾香供玉食睿思殿東金井欄甘露薦椀天開顏橋山事嚴瓦百局補衮諸公省中宿中人傳賜夜未央雨露恩光照宮燭左丞似是李元禮好事風流有涇渭肯憐天祿校書郎親教家庭遣分似春風

山集
節識太官羊不慣腐儒湯餅腸搜攬十年燈火讀令
我胃中書傳香已戒應門老馬走客來問字莫載酒
袁司一
作補袁

以小團龍及半挺贈無咎并詩用前韻為戲
我持玄圭與蒼璧以暗投人渠不識城南窮巷有佳
人不索賓郎常晏食赤銅茗椀兩班班銀粟翻光解
破顏上有龍文下棊局檐囊贈君諾已宿此物已是
元豐春光皇聖功調玉燭晁子胃中開典禮平生自
期莘與渭故用澆君磊隤胞莫令鬢毛霜相似曲几
團蒲聽煮湯煎成車聲繞羊腸鷄蘇胡麻留渴羌不
應亂我官焙香肥如瓠壺鼻雷吼幸君飲此勿飲酒

擔囊一本
作採囊

送謝公定作竟陵主簿

謝公文章如虎豹至今斑斑在兒孫竟陵主簿極多
聞萬事不理專討論澗松無心古須鬣天球不琢中
粹溫落筆塵沙百馬奔劇談風霆九河翻胃中恢踈
無怨恩當官持廉庭不煩吏民欺公亦可忍慎勿驚
魚使水渾漢濱耆舊今誰存駟馬高蓋徒紛紛安知
四海習鑿齒柱笏看度南山雲

贈送張叔和填

張侯溫如鄒子律能令陰谷黍生春有齊先君之季
女十年擇對無可人箕帚掃公堂上塵家風孝友故

相親廟中時薦南澗蘋兒女衣袴得補紉兩家俱為
白頭計察公與人意甚真吏能束縛老姦手要使鯁
寡無顰呻但送此光還照已平生倦學皆日新我提
養生之四印君家所有更贈君百戰百勝不如一忍
萬言萬當不如一默無可簡擇眼界平不藏秋毫心
地直我肱三折得此醫自覺兩踵生光輝團蒲日靜
鳥吟時鑪薰一炷試觀之日靜一作風靜

僧景宗相訪寄法王航禪師

抱牘稍退鳧鷺行倦禪時作橐駝坐忽憶頭陀雲外
人閉門作夏與僧過一絲不掛魚脫淵萬古同歸蟻
旋磨山中雨熟瓜芋田喚取小僧休乞錢

謝王仲至惠洮州礪石黃玉印材歛臣

洮礪發劔虹貫日印章不琢色蒸栗磨礪頑鈍印此
心佳人持贈意堅密佳人鬢彫文字工藏書萬卷曾
次同日臨天閑豢真龍新詩得意挾雷風我貧無句
當二物看公倒海取明月

次韻子瞻詠好頭赤圖

李侯畫骨不畫肉筆下馬生如破竹秦駒雖入天仗
圖猶恐真龍在空谷精神權竒汗溝赤有頭赤烏能
逐日安得身為漢都護三十六城看歷歷亦畫肉一作不畫肉

天馬一作天仗自有赤烏一作有頭赤烏

觀伯時畫馬

儀鸞供帳饗蟲行翰林濕薪爆竹聲風簾官燭淚縱
橫木穿石槃未渠透坐窻不傲令人瘦貧馬百賢逢
一豆眼明見此五花驄徑思著鞭隨詩翁城西野苑
尋小紅
記夢
衆真絕妙擁靈君曉然夢之非紛紜窻中遠山是眉
黛席上榴花皆舞裙借問琵琶得聞否靈君色莊妓
搵手兩客爭棋爛斧柯一兒壞局君不呵杏梁歸燕
空語多柰此雲窻霧閣何

次韻子瞻送李豸

驥子墮地追風日未試千里誰能識習之實錄葬皇

祖斯文如女有正色今年持橐佐春官遂失此人難
塞責雖然一閱有奇耦博懸於投不在德君看巨浸
朝百川此豈有意潢潦前願為霧豹懷文隱莫愛風
蟬蛻骨仙

次韻子瞻寄眉山王宣義

叅軍但有四立壁初無臨江千木奴白頭不是折罾
具桐帽棕鞵稱老夫滄江鷗鷺野心性陰壑虎豹雄
牙須鸚鵡作裘初服在猩血滌帶鄰翁無昨來杜鵑
勸歸去更得把酒聽提壺當今人材不乏使天上二
老須人扶兒無飽飯尚勤書婦無複禪且著襦社甕
可漉溪可漁更問黃雞肥與癯林間醉著人伐木猶

夢官下聞追呼萬釘圍膏莫愛渠富貴安能潤黃墟

聽宋宗儒摘阮歌

翰林尚書宋公子文采風流今尚爾自疑耆域是前身
囊中探丸起人一作死貌如千歲枯松枝落魄酒
中無定止得錢百萬送酒家一笑不問今餘幾手揮
琵琶送飛鴻促絃聒醉驚客起寒蟲催織月籠秋獨
鴈叫群天拍水楚國羈臣放十年漢宮佳人嫁千里
深閨洞房語恩怨紫燕黃鸝韻桃李楚狂行歌驚市
人漁父挈舟在葭葦問君枯木著朱繩何能道人意
中事君言以物傳數姓茲壁庾庚有橫理閉門三月
傳國工身今親見阮仲容我有江南一丘壑安得與

君醉其中曲肱聽君寫松風

作琵琶阮咸

博士王揚休輾密雲龍同事十三人飲之戲

作

商雲蒼璧小盤龍貢包新樣出元豐王郎坦腹飯牀
東太官分物來婦翁棘園深鎖武成宮談天進士雕
虛室鳴鳩欲雨喚雌雄南嶺北嶺宮徵同午窻欲眠
視濛濛喜君開包碾春風注湯官焙香出籠非君灌
頂甘露椀幾為談天乾舌本

吞黃冕仲索煎雙井并簡揚休棠

江夏無雙乃吾宗同舍頗似王安豐能澆茗椀湔袂
我風袂欲挹浮立翁吾宗落筆賞幽事秋月下照澄

江空家山鷹爪是小草敢與好賜雲龍同不嫌水厄
幸來辱寒泉湯鼎聽松風夜堂朱墨小燈籠惜無纖
織來捧椀唯倚新詩可傳本

再答冕仲

丘壑詩書雖數窮田園芋栗頗時豐小菴源口雨繁
紅春溪蒲稗沒鳧翁投身世網夢歸去摘山鼓聲雷
隱空秋堂一笑共燈火與公草木臭味同安用茗澆
磊隤冒他日過飯隨家風鯁貫柳雞著籠更當力貧
開酒椀走謁鄰翁稱子本

戲答陳元輿軒

平生所聞陳汀州蝗不入境年屢豐東門拜書始識

面鬢髮章未成老翁官饗同盤厭腥膩茶甌破聽秋

堂空自言不復蛾眉夢枯淡頗與小人同但憂迎笑

花枝一作紅夜窻冷雨打斜風秋衣沉水換薰籠銀

屏宛轉復宛轉意根難拔如薤本

考試局與孫元忠博士竹間對窻夜聞元忠

誦書聲調悲壯戲作竹枝歌三章和之朴

南窻讀書聲吾伊北窻見月歌竹枝我家白髮問烏

鵲他家紅粧占蛛絲

其二

屋山啼鳥兒當歸玉釵骨蛛郎馬嘶去時燈火正月
半階前雪消萱草齊

其三

勃姑夫婦喜相喚街頭雪泥即漸乾
已放游絲高百尺不應飛李尚春寒

王稚川既待得

一作

官都下有所聘未歸予戲

作林夫人款乃歌二章與之竹枝歌本出

三巴其流在湖湘耳款乃乃湖南歌也

襖乃音藹

花上盈盈人不歸棗下纂纂實已垂臘雪在時聽馬嘶
長安城中花片飛

其二

從師學道魚千里蓋世成功黍一炊日自倚門人不

光看盡林鳥反哺兒

演雅

桑蠶作繭自纏裹珠螫結網工遮邏燕無居舍經始
吐蝶為風光勾引破老鶴銜石宿水飲釋蜂趨衙供
蚤課鵲傳吉語安得閑雞催晨興不敢卧氣陵千里
蠅附驥枉過一生蟻旋磨蟲聞湯沸尚血食雀喜宮
成自相賀晴天振羽樂蜉蝣空穴祝兒成螺贏蝓蛻
轉丸賤蘇合飛蛾赴燭甘死禍井邊蠹李螬苦肥枝
頭飲露蟬常餓天蠖伏隙錄人語射工含沙須影過
訓狐啄屋真行怪蠨蛸報喜太多可鷓鴣密伺魚蝦
便白鷺不禁塵土浣絡緯何嘗省機織布穀未應勤

種播五技鼯鼠笑鳩拙百足馬蚊憐鱉跛老蚌胎中
珠是賊醯鷄瓮裏天幾大螳螂當轍恃長臂熠燿宵
行矜照火提壺猶能勸沽酒黃口只知貪飯顆伯勞
饒舌世不問鸚鵡纔言便關鎖春蛙夏蜩更嘈雜土
蚓壁蟬何碎瑣江南野水碧於天中有狎鷗閑似我

狎鷗一作白鷗

戲答趙伯充勸莫學書及為席子澤解嘲
平生飲酒不盡味五鼎餽肉如嚼蠟我醉欲眠便遣
客三年窺牆亦面壁空餘小菜翰墨場松煙兔穎傍
明窓偶隨兒戲洒墨汁衆人許在崔杜行晚學長沙
小三昧幻出萬物真成狂龍蛇起陸雷破柱自喜奇
觀繞繩牀家人罵笑寧有道汚淶黃素敗粉牆誠不
如南鄰席明府蛛網鎖硯蝸書梁懷中探丸起九死
才術頗似漢太倉感君詩句喚夢覺邯鄲初未熟黃
梁身如朝露無牢強玩此白駒過隙光從此永明書
百卷自公退食一爐香

山谷正集 卷第四
重刻黃文節山谷先生文集卷第四

重刻黃文節山谷先生文集卷第五

宋太史分寧黃庭堅魯直著

明後學莆中方沆子及校

七言古

里人周希令子儀編

送少章從翰林蘇公餘杭

東南淮海惟揚州國士無雙秦少游欲攀天關守九
虎但有筆力迴萬牛文學縱橫乃如此故應當家有
季子時來誰能力作難鴻鴈行飛入道山斑衣兒啼
真自樂從師學道也不惡但一作使新年勝故年即
如常在郎罷前

便糴王丞送碧香酒用子瞻韻戲贈鄭彥能

山谷正集 卷之五
食貧好飲甞自嘲日給上尊無國相大農部丞送新
酒瑤香竊比主家釀應憐坐客竟無羶更遭官長頗
譏謗銀杯同色試一傾排遣春寒出幃帳浮蛆翁翁
盃底滑坐想康成論泛盜重門著關不為君但備惡
客來仇餉送新送一作肯送

戲和荅禽語

南村北村雨一犁新婦餉姑翁哺兒田中啼鳥自四
時催人脫袴著新衣著新替舊亦不惡去年租重無
袴著

和游景叔月報三捷

師雄

漢家飛將用廟謀復我匹夫匹婦離真成折筭禽胡

月不是黃榆牧馬秋幄中已斷匈奴臂軍前可飲月
氏頭願見呼韓朝海上諸將不用萬戶侯

謝景叔惠冬筭雍酥水梨三物

玉人憐我長蔬食走送厨珍不自甞秦牛肥膩酥勝
雪漢苑甘寒梨得霜冰底斲春生筭束豹文解籜饌
寒玉見他桃李憶故園曉撩應殘透窻竹

再荅景叔

女三烏繫當獻王三珍同盤乃得甞甘泉下統藜藿
賜令我詩句挾風霜小人食珍敢取足都城一飯炊
白王賜錢千萬民猶飢雷後排簷凍銀竹

出城送客過故人東平侯趙景珍墓

令墳

霜兔中安三石使屈蟠亦恐形全便飛去

戲詠子舟畫兩竹兩鸚鵡

風晴日暖搖雙竹竹間相語兩鸚鵡鸚鵡之肉不可
看人生不材果為福子舟之筆利如錐千變萬化皆
天機未知筆下鸚鵡語何似夢中胡蝶飛

從斌老乞苦筍

南園苦筍味勝肉籜龍稱寃莫採錄煩君更致蒼玉
東明日風雨皆成竹更致一便致

題榮州祖元大師此君軒

王師學琴三十年響如消夜落澗泉滿堂洗盡箏琶
耳請師停手恐斷絃神入傳書道人命死生貴賤如

看鏡晚知直語觸憎嫌深藏幽寺聽鍾磬有酒如澆

客滿門不可一日無此君當時手裁數寸碧聲挾風

雨今連雲共君傾蓋如故舊骨相奇怪清且秀程嬰

杵曰立孤難伯夷叔齊采薇瘦霜鍾堂上弄秋月微

風入絃此君說公家周彥筆如椽此君語意當能傳

青神縣尉廳葺城頭舊屋作借景亭下瞰史

家園求竹終日寂然了無人迹又當大本

綠陰之間戲作長句奉呈信孺明府介卿

少府

青神縣中得兩張愛民財物唯恐傷二公身安民乃

樂新葺城頭六月涼竹鋪不浣吳綾機東西開軒蔭

清樾當官借景未傷民恪似鑿池取明月

戲贈家安國

家侯口吃善著書常願執戈王前驅朱紱嗟蛇晚監
郡吟弄風月思天衢二蘇平生親且舊少年筆硯老
楷酒但使一公轉鴻鈞此老矍鑠還冠軍

題石恪畫嘗醋翁

石媪忍酸喙三尺石皤嘗味面百摺誰知聳膊寒至
骨圖畫不減吳生筆

題子瞻畫竹石

風枝雨葉瘠土竹龍蹲虎踞蒼蘇石東坡老人翰林
公醉時吐出胸中墨

題晁以道雪鴈圖

飛雪灑蘆如銀箭前鴈驚飛後回盼憑誰說與謝玄
暉休道澄江靜如練

和王觀復洪駒父謁陳無已長句

陳君今古馬不學清渭無心映涇濁漢官舊儀重九
鼎集賢學士見一角王侯文采似於菟洪甥人間汗
血駒相將問道城南隅無屋止借船官居有書萬卷
繞一作四壁雋蘇不爨談至夕主人自是文章伯鄰里
頗恠有此客食貧各仕天一方佳人可思不可忘河
從天來砥柱立愛莫助之涕淋浪仕在
王充道送水仙花五十枝欣然會心為之作

山谷正集 卷之五
而宮殿崇成便齋曲房松竹蒼蔚觀其軒窓開塞宜冬而愜夏智慮通物者也又好文多藝能治賓客具至者忘歸此東坡先生所以每至而留連者歟

龜殼軒

紫極宮中三百楹道人獨藏一神屋開軒納息星月明時有白雲來伴宿

秋聲軒

誰居空閑扇橐籥情與無情並時作是聲皆自根極來更莫辛勤問南郭

武昌松風閣

依山築閣見平川夜闌箕斗插屋椽我來名之意適然老松魁梧數百年斧斤所赦今參天風鳴媧皇五十絃洗耳不煩菩薩泉嘉二三子甚好賢力貧買酒醉此筵夜雨鳴廊到曉懸相看不歸卧僧氈泉枯石燥復潺湲山川光輝為我妍野僧早飢不能饅曉見寒谿有炊煙東坡道人已沉泉張侯何時到眼前釣臺驚濤可晝眠怡亭看篆蛟龍纏安得此身脫拘攣舟載諸友長周旋

次韻文潛

武昌赤壁弔周郎寒溪西山尋漫浪忽聞天上故人來呼船凌江不待餉我瞻高明少吐氣君亦歡喜失微恙年來鬼祟覆三豪詞林根柢頗搖蕩天生大材竟何用只與千古拜閣像張侯文章殊不病歷險心

成古立不復龍蛇看揮掃我向湖南更嶺南繫船來
近花光老歎息斯人不可見喜我未學霜前草寫盡
南枝與北枝更作千峯倚晴昊

書磨崖碑後

春風吹船著音浯溪扶藜上讀中興碑平生半世看
墨本摩莎石刻鬢成絲明皇不作包桑計顛倒四海
由祿兒九廟不守乘輿西萬官已作烏擇栖撫軍監
國太子事何乃趣取大物為事有至難天幸爾上皇
跼蹐還京師內間張后色可否外間李父願指揮南
內淒涼幾苟活高將軍去事尤危臣結春陵二三策
臣甫杜鵑再拜詩安知忠臣痛至骨世上但賞瓊瑤

詞同來野僧六七輩亦有文士相追隨斷崖蒼蘚對

立又凍雨為洗前朝悲

太平寺慈民閣

晚與僧
衣同登

青玻璃盆插千岑湘江水清無古今何處拭目窮表
裏太平飛閣暫登臨朝陽不聞阜蓋下愚溪但有古
木陰誰與洗滌懷古恨坐有佳客非孤斟

題淡山巖二首

去城二十五里近天與隔盡俗子塵春蛙秋蠅不到
耳夏涼冬暖摠宜人巖中清磬僧定起洞口綠樹仙
家春惜哉次山世未顯不得雄文鏡翠珉

其二

至公超霧

其二

當年游俠成都路黃犬蒼鷹伐狐兔二十始肯為儒
生行尋丈人奉巾履干江湫然萬山阻抱衣一囊遍
處處或持劍掛宰上回亦有酒罷壺中去昨來禪榻
寄曲肱上雨傍風破環堵何時鯤化北溟波好在豹
隱南山霧

次韻荅曹子方雜言

憂鵬入歸來杞國痛天摧玉堂却對鄧公直北門
啗仗聽風雷山川悠遠莫浪許富貴崢嶸今日誰來萬壑
松聲如在耳意不及此文生哀

再荅元興

君不能入身帝城結子公又不能擊強有如諸葛豐
法當憔悴石寮底五十天涯一禿翁問君何自今為
即便歿作賦聲摩空偶然樽酒相勞苦牛鐸調與黃
鍾同安得朱幡各憑熊江南樓閣白蘋風勸歸啼鳥
曉窻籠男兒邂逅功補衮鳥倦歸巢葉歸本

送王郎

酌君以蒲城桑落之酒泛君以湘纍秋菊之英贈君
以黟川點漆之墨送君以陽關墮淚之聲酒澆胸中
之磊隗菊制短世之頽齡墨以傳千古文章之印歌
以寫一家兄弟之情江山萬里頭俱白骨肉十年眼

終青連牀夜語鷄戒曉書囊無底談未了有功翰墨
乃如此何恨遠別音書少炊沙作糜終不飽鏤冰文
章費工巧要須心地收汗馬孔孟行世日杲杲有弟
有弟力持家婦能養姑供珍鮭兒大詩書女絲一作桑
麻公但讀書煮春茶

戲書秦少游壁觀

丁令威化作遼東白鶴歸朱顏未改故人非微服過
宋風退飛宋父擁篲待來歸誰饋伯牢鸚鵡妃秦氏
烏生八九子雅烏之兄畢逋尾憶炊門牡烹伏唯木
肯增巢令汝棲莫愁野雉踈家雞但願主人印累累
重刻黃文節山谷先生文集卷第五

重刻黃文節山谷先生文集卷第六

正集

宋太史分寧黃庭堅魯直著

明後學蒲中方 沆子及校

五言律

里人周希令子儀編

次韻劉景文登鄴王臺見思五首

季孫

黃濁歸大壑漣漪遶重城西風一橫笛金氣與高明
歸鴉度晚景落鴈帶邊聲平生知音處別離空復情

其二

舊時劉子政憔悴鄴王城把筆已頭白見書猶眼明
平原秋樹色沙麓暮鐘聲歸鴈南飛盡無因寄此情

其三

山谷正集 卷之六
繫艷兩相憶極目十餘城積潦干斗極山河皆夜明
白壁按劍起朱弦流水聲垂逢四時爾木石了無情

其四

茗花浮曾坑酒泛酌宜城路尋西九曲人似漢三明
千戶非無相五言空有聲何時郭池晚照影寫閑情

其五

公詩如美色未嫁已傾城嫁作蕩子嬾寒機泣到明
綠琴蛛網遍絃絕不成聲想見鷓夷子江湖萬里情

楊明叔惠詩格律詞意皆薰沐去其舊習子

為之喜而不寐文章者道之器也言者行
之枝葉也故次韻作四詩報之耕禮義之

田而深其未明叔言行有法當官又敏於

事而卹民故予期之以遠者大者

魚志游濠上鴉來止坐隅吉凶終我在憂樂與生俱
決定不是物方名大丈夫今觀由也果老子欲棄桴

終在我一
作唯我在

其二

道常無一物學要友三隅喜與嗔同本嗔時喜自俱
心隨物作宰人為我非夫利用蕪精義還成到岸桴

為我一
作謂我一

其三

全德備萬物大方無四隅身隨腐草化名與太山俱

道學歸吾子言詩起老夫無為蹈東海留作濟川桴
其四

匹士能老國三孱不滿隅竊觀今日事君與古人俱
氣類鷲來友精誠石墾夫雷門震驚手待汝一援桴
庭堅老懶衰墮多年不作詩已忘其體律因
明叔有意於斯文試舉一綱而張萬目蓋
以俗為雅以故為新石戰石勝如孫吳之
兵棘端可以破鏃如甘蠅飛衛之射此詩
人之奇也明叔當自得之公眉人鄉先生
之妙語震耀一世我昔從公得之為多故
今以此事相付

窮奇技有北鴻鵠止立隅我已魑魅禦君方燕雀俱
道應無芥蒂學要盡工夫莫斬後狙杙明堂待棟桴

跋子瞻和陶詩

子瞻謫嶺南時宰欲殺之飽喫惠州飯細和淵明詩
彭澤千載人東坡百世士出處雖不同風味乃相似

東觀讀未見書

已下擬省
題四首

漢規群王府東觀近宸居詔許無雙士來觀未見書
皇文開萬卷家學陋三餘竹帛森延閣星辰繞直廬
諸生起孤賤天子自吹噓願以多聞力論思補帝裾

歲寒知松栢

群陰彫品物松栢尚栢栢老去惟心在相依到歲寒

山谷正集 卷之六

霜嚴御史府兩立大夫官犧象溝中斷徽絃爨下殘
光陰一鳥過斬一作伐萬牛難春日輝桃李蒼顏亦預觀

被褐懷珠玉又國士懷珠玉通津不易扛積藏心有待褐短義難降

寶唾歸青簡晴虹貫夜窓直言方按劍豈是故迷邦

彈雀輕千仞連城買一雙安知藍縷底明月弄寒江

款寒來亨出前朝夏州守來款塞門西聖主敷文德降書付狄鞮

擅裘瞻日月勢面帶金犀殿陛閑干羽邊亭息鼓輦

永輸量谷馬不乍觸藩羝聲勢常相倚今聞定五溪

送舅氏野夫之宣城二首 李華

籍甚宣城郡風流數貢毛霜林收鴨脚春網薦琴高

共理漁良守今年輟省曹平生割鷄手聊試發矟刀

其二

試說宣城郡停盃且細聽晚樓明宛水春騎簇昭亭

和稭豐圩戶枿楊卧訟庭謝公歌舞處時對換鵝經

謝王炳之惠石香鼎

薰鑪宜小寢鼎製琢晴嵐香潤雲生礎煙明虹貫巖

法從空處起人向鼻頭忝一炷聽秋雨何時許對談

次韻崔伯易席上所賦因以贈行二首

迎新與送故渠已不勝勤民賣腰間劍公寬柱後文

諸郎投賜沐高會惜臨分去國雖千里分憂即近君

山谷正集 卷之六

四

及

其二

老惜交情別追隨車馬勤臨朝思共埋治郡復斯文
訟息常一作當休吏民貧更勸分西湖十頃月自此漢
封君

見諸人唱和醑醖詩輒次韻戲詠

梅殘紅藥遲此物共春歸名字因壺酒風流付枕幃
墜鈿香徑草飄雪淨垣衣玉氣晴虹發沉材鋸屑霏
直知多不厭何忍摘令稀常恨金沙學顰時正可揮

次韻秦少章晁適道贈答詩

二子論文地陰風雪塞廬寧穿東郭履不奉子公書
士固難推挽時聞有詔除負暄真得計獻御恐成踈

清人怨戲效徐庾慢體三首

秋水無言度荷花稱意紅主人敬愛客催喚出房籠
一斛明珠曲何時落塞鴻試煩春筍手聊為剥蓮蓬

一作
萍蓬

其二

障羞羅袂薄承汗頰巾紅晚風斜蠶髮逸艷照窓籠
胡琴抱明月寶瑟陣歸鴻倚壁生珠網年光如轉蓬

其三

翡翠釵梁碧石榴帶摺紅隙光斜斗帳香字冷薰籠
聞道西飛燕將隨北固鴻鴛鴦會獨宿風雨打船蓬
萬州之下巖唐末有劉道者定州無極人聞

道於雲居膺禪師為開巖第一祖法號道
 微自鑿石龕曰死便藏龕中不用日時門
 人奉其命二百年來遊者題詩不可勝讀
 莫能起此開巖者故予作二篇表見之其
 一用楊子安韻其一用王定國韻用楊子安韻一

篇在七言絕

寺古松楠老崑虛塔廟開僧綠蠶麥去官數荔支來
 石室無心骨金鋪稱意苔若為劉道者拽得鼻頭迴

次韻聞善

扶醉三竿日題詩一研埃張羅門帶雪投轄井生苔
 待得成立壠誰能把酒盃常應黃菊畔帳望白衣來

次韻荅高子勉十首

雪盡虛簷滴春從細草迴德人泉下夢俗物眼中埃
 久立我有待長吟君不來重玄鎮關鑰要待玉匙開

其二

掃雪我三日御風君過旬言詩今有數下筆不無神
 行布佺期近飛楊子建親可憐金石友去不待斯人

其三

峴南羈旅井灞上獵歸亭日繞分魚市風回落鴈汀
 筆由詩客把笛為故人聽但恐蘇耽鶴歸時或姓丁

其四

君不居即省還應上諫坡才高殊未識歲晚喜無宅

櫪馬羸難出鄰雞凍不歌寒爐餘幾火灰裏撥陰何
其五

荆渚樓中賦南陽壠底吟誰年小隱處頗屈故人臨
經筭難窺底詞源幸汲深思君眠竹屋雪月水寒衾
其六

驚人得佳句或以傲王公處世要清節滑稽安足雄
深沉似康樂簡遠到安豐一點無俗氣相期林下同
其七

志士難推轂將如高子何心期誠不淺餘論或相多
欲向滄洲去還能小艇麼鷓鴣西照處相並曬漁蓑
其八

鑿開混沌竅窺見伏羲心有物先天地含生盡陸沉
伐山成大厦鼓橐鑄祥金三尺無絃木期君發至音
其九

少年基一簣長歲足三餘忍作飛黃去頓超同隊魚
尊前八采句窓下十年書定作牛腰束傳抄聽小胥
其十

沙上步微暖思君剝欲招萋蒿穿雪動楊柳索春銃
枉駕時逢出新詩若見撩樽前遠湖樹來飲莫辭遙
陳榮緒惠示之字韻詩推獎過實非所敢當

輒次高韻二首

紛紛不可耐君子有憂之鞅掌誠莊語賢勞似怨詩

頽波閱砥柱濁水得摩尼杜子美云唯有摩尼珠可照濁水源知我無
枝葉剗心只有皮顏延之詩

其二

太丘曾量閣一葦莫杭之萬事不掛眼四愁猶有詩
狀閑聊鬲茸心潔似毗尼僧律也早晚同舟去烟波學
子皮

可發一笑三

且然聊爾耳得也自知之獨笑真成夢狂歌或似詩
照灘禽郭索燒野得伊尼鹿名出佛書早晚來同醉僧床

掛虎皮

次韻德孺五丈感興二首

於此吾忘我從誰尺直尋事來千萬種人有三二心
自守藩籬小猶能井曰任過時雖不采吾與菊花斟

其二

眼前嘗廢忘事往更追尋愛酒陶元亮著書王仲任
寒蒲雖有節枯木已無心客至還須飲逢歡起自斟

次韻廖明略陪吳明府白雲宴集

江淨明花竹山空響管絃風生學士塵雲繞令君筵
有越餘生聚三吳遠接連庖霜刀落鱸執玉酒明船
葉縣飛來舄壺公謫處天酌多時暴譴舞短更成妍
唯我孤登覽觀詩未究宣空餘五字賞文似兩京然

馬雪暗岢嵐傳酒杯塞上金湯唯粟粒胃中水鏡是
人才遙知更解青牛句一寸功名心已灰

其三

攬轡都城風露秋行臺無妾護衣篝虎頭墨妙能類
寄馬乳葡萄不待求上黨地寒應強飲兩河民病要
分憂猶聞昔在軍興日一馬人間費十牛

寄上叔父夷仲三首

少年有功翰墨林中歲作吏幾陸沉庖丁解牛妙世
故監市履豨知民心萬里書來兒女瘦十月山行冰
雪深夢魂和月繞秦隴漢節落毛何處尋

其二

艱難聞道有歸音部曲霜行壁月沉王春正月調玉
燭使星萬里朝天心頗令山海藏國用乃見縣官恤
民深經心隴蜀封疆守必有人材備訪尋

其三

關塞塞雪欲嗣音燕鴈拂天河鯉沉百書不如一見
面幾日歸來兩慰心弓刀陌上望行色兒女燈前語
夜深更懷父子東歸得手種江頭柳十尋

詠雪奉呈廣平公盈祖

運空春雪明如洗忽憶江清水見沙夜聽踈踈還密
密曉看整整復斜斜風回共作婆婆舞天乃乃一作功能
開頃刻花政使盡惜寒至骨不妨堯李用年華

日轉溪山幾百遭，厭聞虎嘯與猿號。笙歌忽把二天酒，風雨猶驚三峽濤。已作齊民尋要術，安能痛飲讀離騷。看君自是青田質，清唳當聞徹九皋。

次韻黃斌老晚游池亭二首

路入東園無俗駕，忽逢佳士喜同遊。綠荷菡萏稍覺晚，黃菊拒霜殊未秋。客位正湏懸榻下，主人自愛小塘幽。老夫多病蠻江上，頗憶平生馬少游。客位一作客至

其二

岑寂東園可散愁，膠膠擾擾夢神遊。萬竿苦竹旌旗卷，萬部鳴蛙鼓吹休。雨後月前天欲冷，身閑心遠地常幽。杜門謝客恐生謗，且作人間鵬鷃游。

次韻楊君全送酒長句

扶衰却老世無方，唯有君家酒未嘗。秋入園林花老眼，茗搜文字響枯腸。醉頭夜雨排簷滴，盃面春風繞鼻香。不待澄清遣分送，定知佳客對空觴。

次韻馬荊州

六年絕域夢刀頭，判得南還萬事休。誰謂石渠劉校尉，來依絳帳馬荊州。霜髭雪鬢共看鏡，茱糝菊英同送秋。它日江梅臘前破，還從天際望歸舟。

贈李輔聖

交蓋相逢水急流，八年今復會荊州。已回青眼追鴻翼，肯使黃塵沒馬頭。舊管新收幾粧鏡，流行坎止一

虛舟相看絕嘆女博士筆研管絃成古丘

女博士謂輔聖後房

孔居也於文藝無不妙絕

和高仲本喜相見

兩昏南浦曾相對雪滿荊州喜再逢有子才如不羈
馬知公心是後彫松閑尋書冊應多味老傍人門似
更慵何日晴軒觀筆硯一尊相屬要從容

自巴陵略平江臨湘入通城無日不雨至黃
龍奉謁清禪師繼而晚晴邂逅禪客戴道
純欵語作長句呈道純

山行十日雨霑衣幕阜峯前對落暉野水自添田水
滿晴鳩却喚雨鳩歸靈源大士人天眼雙塔老師諸
佛機白髮蒼顏重到此問君還是昔人非

新喻道中寄元明用觴字韻

中年畏病不舉酒孤負東來數百觴喚客煎茶山店
遠看人秧稻午風涼但知家裏俱無恙不用書來細
作行一百八盤携手上至今猶夢遶羊腸

今入常湖口人李正臣蓄異石九峯東坡先生名曰
壺中九華并為作詩後八年自海外歸過

湖口石已為好事者所取乃和前篇以為
笑實建中靖國元年四月十六日明年當
崇寧之元五月二十日庭堅繫舟湖口李
正臣持此詩來石既不可復見東坡亦下

山谷正集 卷之十
世矣感歎不足因次前韻
有人夜半持山去頓覺浮嵐暝翠空試問安排華屋
處何如零落亂雲中能迴趙壁人安在已入南柯夢
不通賴有霜鍾難席卷袖椎來聽響玲瓏

追和東坡題李亮功歸來圖

今人常恨古人少今得見之誰謂無欲學淵明歸作
賦先煩摩詰畫成圖小池已築魚千里隙地仍栽芋
百區朝市山林俱有累不居京洛不江湖

次韻雨絲雲鶴二首

煙雲杳靄合中稀霧雨空濛密更微園客繭絲抽萬
緒蛛絜網面罩群飛風光錯綜天經緯草木文章帝
杼機願沐朝霞成五色為君王補坐朝衣

其二

幾片雲如薛公鶴精神態度不魯齊安知隴鳥樊籠
密便覺南鵬羽翼低風散又成千里去夜寒應上九
天栖坐來改變如蒼狗試欲揮毫意自迷

罷姑熟寄元明用觴字韻

追隨富貴榮牽尾準擬田園略濫觴本與江鷗成保
社聊隨海燕度炎涼未裁姑熟桃李徑却入江西鴻
鴈行別後常同千里月書來莫寄九回腸

次韻文安國紀夢

道人偶許俗人知法喜非妻解養兒夜叉金莖添沆

山谷正集 卷二十七 及

灑室虛壁月映琉璃遠來醉俠忽去近出詩仙句句
奇獨怪區區踐繩墨相逢未省角巾歌

次韻德孺五丈惠貺秋字之句

少日才華接貴游老來忠義氣橫秋未應勺髮如霜
草不見丹砂似箭頭顧我今成喪家狗期君早作濟

川舟漢家宗社英靈在定是寒儒浪自愁

宜陽別元明用觴字韻

霜須八十期同老酌我仙人九醞觴明月灣頭松老

大永思堂下草荒涼千秋風雨鷺求友萬里雲天鴈

斷行別夜不眠聽鼠齧非閑春茗攪枯腸

重刻黃文節山谷先生文集卷第七

重刻黃文節山谷先生文集卷第八

宋太史分寧黃庭堅魯直著

明後學莆中方孝沆子及校

五言絕句 里人周希令子儀編

下頤軒詩六首

高君素作頤軒請予賦詩予為說其義曰在易之

頤觀頤自求口實其傳曰觀頤觀其所養也自求

口實觀其自養也單豹巖棲谷飲有孺子之色而

虎攻其外張毅擊蹠曲拳養人間之譽而疾攻其

內養虎者不以全物與之牧羊者去其敗羣視其

後者而鞭之養鷹者飢之是謂觀其所養之性也

山谷正集 卷二十七

庖丁不以肯綮嬰其解牛之刃痾僕丈人_{不以萬}
物易蝸之翼匹夫之志不可奪於三軍之帥是謂
觀其自養觀其所養盡物之性也觀其自養盡己
之性也詩云如切如磋如琢如磨求盡性而已君
素樂善能賢將求學問日新之功故作頥軒以養
其正吉乃以觀頥自求口實六字作詩以勸戒之
金石不隨波松竹知歲寒冥此芸芸境迴向自心觀
其二

知足是靈龜無厭乃朶頥虛心萬物表寒暑自四時
其三

無外一精明六合同出自公能知本原佛亦不相似

其四

辱莫辱多欲樂莫樂無求人_{生強學耳萬古一東流}

其五

樞機要發遲飲食減_{一作戒}味厚漁人溺於波君子溺於

口

其六

涇流不濁渭種桃無李實養心去塵緣光明生虛室

賈天錫惠寶薰乞詩予以兵衛森畫戟燕寢

凝清香十字作詩報之_{父失此藁偶於門}

下後省故紙中得之

險心游萬仞躁欲生五兵隱几香一炷靈臺湛空明

山谷正集 其二

晝食鳥窺臺宴坐日過砌俗氛無因來煙霏作輿衛

其三

石蜜化螺甲棋榼煮水沉博山孤煙起對此作森森

其四

輪囷香事已郁郁著書畫誰能入吾室脫汝世俗械

其五

賈侯懷六韜家有十二戟天資喜文事如我有香癖

其六

林花飛片片香歸嚼泥燕閉閣和春風還尋蔚宗傳

其七

公虛采蘋宮行樂在小寢香光富發聞色敗不可稔

其八

牀帷夜氣馥衣桁晚煙凝瓦溝鳴急雪睡鴨照華燈

其九

雉尾映鞭聲金鑪拂太清班近聞香早歸來學得成

其十

衣篝麗紈綺有待乃芬芳當念真富貴自薰知見香

戲詠臘梅二首

金蓓鎖春寒惱人香未展雖無桃李顏風味極不淺

其二

體薰山麝臍色染薔薇露披拂不滿襟時有暗香度

山名正集
謫居黔南五首

摘樂天句

相望六千里天地隔江山十書九不到何用一開顏

其二

霜降水反壑風落木歸山冉冉歲華晚昆蟲皆閉關

其三

冷淡病心情暄和好時節故園音信斷遠郡親賓絕

其四

山郭燈火稀峽天星漢少年光東流水生計南枝鳥

其五

真性齊遠近委順隨南北歸去誠可憐天涯住亦得

宿黃州觀音院鍾樓上

鍾鳴山川曉露下星斗濕老夫梳白頭潘何墳麓集

勝業寺悅亭

一作阻兩福巖

苦雨已解嚴諸峯米獻狀不見白頭禪空倚紫藤杖

離福巖

山下三日晴山上三日雨不見祝融峯還沂瀟湘去

和涼軒二首

打荷看急雨吞月任行雲夜半蚊雷起西風為解紛

其二

茗椀夢中覺荷花鏡裏香涼生只當處暑退亦無方

六題花光畫

湖北山無地湖南水徹天雲沙真富貴翰墨小神仙

山谷正集

卷之八

四

山谷正集卷之八
此平沙起水筆意超凡入聖法也每
率此為之當名後世

六言絕句

題山谷石牛洞

司命無心播物祖師有記傳
衣白雲橫而不度高鳥
倦而猶飛

題灑峯閣

徐老海棠巢上徐陰樂道隱於藥肆中家有海棠數株結果其上時與客巢飲於其間
王翁主簿峯菴王道入參禪四方歸結屋於主簿峯上嘗有毛人至其間問道
破顏冰雪綠叢不見黃甘

次韻公擇舅

昨夢黃梁半熟立談白一雙驚鹿要須野草鳴鷗
本願秋江

次韻王荆公題西太一宮壁二首

風急啼鳥未了雨來戰蟻方酣
真是真非安在人間
北看成南

其二

晚風池蓮香度曉日官槐影西白
下長干夢到青門
紫曲塵迷

有懷半山老人再次韻二首

短世風驚雨過成功夢迷酒酣草玄不妨準易論詩
終近周南

其二

山谷正集卷之八

山名正集 卷之八
啜羹不如放麋樂羊終愧巴西欲問老翁歸處帝鄉
無路雲迷

其二 戲贈二首
百鍊香螺沉水寶薰近出江南一穉黃雲繞几深禪
想對同叅

螺甲割崑崙耳香材屑鷓鴣斑欲雨鳴鳩日永下帷
睡鴨春閑

子瞻繼和復答二首 其真其美其安其入
置酒未容虛左論詩時要指南迎笑天香滿袖喜公
新起朝叅

其二

迎燕温風旖旎潤花小雨斑斑一炷煙中得意九衢
塵裏偷閑

有聞帳中香以為焚蜎者戲用前韻二首

海上有人逐臭天生鼻孔司南但印香嚴本寂不必
叢林徧叅

其二

我讀蔚宗香傳文章不減二斑誤以甲為淺俗却知
麝要防閑

次韻韓川奉祠西太一宮四首

萬靈未對甘泉五福間祀迎年旂旗三游半偃風馬

雲車闖然

其二

白旄下金神節青祝携御爐香百禮盡修毫祀九歌
不取沉湘

其三

紫府侍臣鳴玉霜臺御史生風官燭論詩未了知秋
自屬梧桐

其四

泰壇下瑞雲黃雨師灑道塵香侵面猶承墜露金鉦
半吐東牆

題鄭防畫夾五首

恩崇煙雨歸鴈坐我瀟湘洞庭欲喚扁舟歸去故人
言是丹青

其二

能作山川遠勢白頭唯有郭熙欲寫李成驟雨惜無
六幅鵝溪

其三

徐生脫水雙魚吹沫相看晚圖老矣箇中得計作書
遠寄江湖

其四

折筍枯荷共晚紅榴苦竹同時睡鴨不知飄雪寒雀
四顧風枝

其五

子母猿啼梅葉山南山北危機世故誰能樗里穀中
皆是由基

題劉將軍鵝

箭羽不需春水籀文時印平沙想見山陰書罷舉羣
驅向王家

寂住閣

陳留宿一殯堂
因書為寂住閣

莊周夢為胡蝶胡蝶不知莊周當處出生隨意急流
水上不流

深明問

象蹋恒河徹底日行闢浮破具若問深明宗旨風花
時度窻櫺

次韻石七三首

從來不似一物以欲貫穿九流骨硬非黃閣相眼青
見白蘋洲

其二

生涯一九節筇老境五十六翁不堪上補黼黻但可
歸教兒童知

其三

萬里草荒先壠六年蟲蠹群經老喜寬恩放去心似
驚波不停

其四

其四

山谷正集 卷之八
為君試講古學此事可憐天公君看花梢朝露何知
松上霜風

其五
幽州已投斧柯崇山更用憂何早喜龔鄒冠豸
浩文

聞張董立坡

舞民 敷逸

其六
看著荏周枯槁化為胡蝶翾輕人見穿花入柳誰知
有體無情

其七
欲行水繞山圍但聞鷓鴣化鵬飛女憂須髮盡白兄歎
江船未歸

贈高子勉四首

文章瑞世驚人學行剗心潤身沅江求九肋鼈荊州
見一角麟

其二

張侯海內長句晁子廟中雅歌無咎樂府於今第一高郎少加
筆力我知三傑同科

其三

妙在和光同塵事須鉤深入神聽它下虎口著我不
為牛後人

其四

拾遺句中有眼彭澤意在無絃顧我今六十老付公

以二百年

再用前韻贈子勉四首

胃中有度擇人事上無心活身只麼親情魚鳥儻然
圖畫麒麟

其二

行要爭光日月詩須皆可絃歌着鞭莫落人後百年
風轉蓬科

其三

句法俊逸清新詞源廣大精神建安才六七子關元
數兩三

其四

醉鄉閑處日月鳥語花中管絃有興勤來把酒與君
端欲忘年

荆南僉判向和鄉用予六言見惠次韻奉酬

其四首

仕宦初不因人富貴方來逼身要是出群拔萃乃成
威鳳祥麟

其二

向侯賦我菁莪何敢當不類歌顧我乃山林士者君
取將相科

其三

覆却萬方無準安排一字有神更能識詩家病方是

山谷正集

其四

我眼中人
覓句真成小技知音定須絕絃景公有馬千駟伯夷
垂名萬年

蟻蝶圖

胡蝶雙飛得意偶然畢命網羅群蟻爭收墜翼策勳
歸去南柯

謝人送栗鼠尾畫維摩二首

謝胡藏之

貂尾珍材可筆虎頭墨妙疑神頗知君塵外物真是
我眼中人

其二

丹青貌金粟影毛物宜管城公只今為君落筆他日
聽我談空

一作畫圖
見金粟佛

重刻黃文節山谷先生文集卷第八

重刻黃文節山谷先生文集卷第九

正集

宋太史分寧黃庭堅魯直著

明後學甫中方 沈子及校

交不戢言絕句 里人周希令子儀編

效王仲至少監詠姚花用其韻四首

映日低風整復斜綠玉眉心黃神遮大梁城裏雖罕

見心知不是牛家花

九嶷山中萼綠華黃雲承轡到羊家真詮蟲蝕詩句

斷猶託餘情開此花

斷猶託餘情開此花

斷猶託餘情開此花

仙衣襍積駕黃鵠草木無光一笑開人間風日不可耐故待成陰葉下來

其四
湯沐冰肌照春色海牛押簾風不開直言紅塵無路入猶傍蜂須蝶翅來

非復三五少年日把酒償春頰生紅白鷗入群頗相委不謂驚起來賓鴻

其二

頗知歌舞無竅鑿我心塊然如帝江花裏雄蜂雌蛺蝶同時本自不作雙

吞許覺之惠桂花椰子茶孟二首

萬事相尋榮與衰故人別來鬢成絲欲知歲晚在何許唯說山中有桂枝

其二

碩果不食寒林梢割而噐之如懸匏故人相見各貧病猶可烹茶當酒肴

戲答陳季常寄黃州山中連理松枝二首

故人折松寄千里想聽萬壑風泉音誰言五鬣蒼煙面猶作人間兒女心

其二

老松連枝亦偶然紅紫事退獨參天金沙灘頭鎖子

骨不妨隨俗 斲嬋娟

姨母李夫人墨竹二首

深閨淨几試筆墨白頭腕中百斛力榮榮枯枯皆本色懸之高堂風動壁

其二

小竹扶疎大竹枯筆端真有造化鑪人間俗氣一點無健婦果勝大丈夫

王才元惠梅花三種皆妙絕戲答三首

城南名士遣春來三月乃見臘前梅定知鎖著江南客故放綠梢春晚回一作梢陰

其二

舍人梅塢無關鎖携酒俗人來未會舊時愛菊陶彭澤今作梅花樹下僧

其三

病夫中歲屏枯杓百葉緇梅觸撥人拂殺官黃春有思滿城桃李不能春一作殺一

次韻子瞻子由題懋寂圖二首

松舍風雨石骨瘦法窟寂寥僧定時李侯有句不肯吐淡墨寫出無聲詩

其二

龍眠不似虎頭癡筆妙天機可並時蘇仙漱墨作蒼石應解種花開此時

劉晦叔許洮河綠石研昱

又聞岷石鴨頭綠可磨桂溪龍文刀莫嫌文吏不知武要試飽霜秋兔毫

寺齋睡起

小點大癡螳捕蟬有餘不足夔憐蚊退食歸來北窓夢一江春月趁魚船春月一作風月

王立之承奉詩報梅花已落盡次韻戲答方直南枝北枝春事休榆錢可穿柳帶柔定自沈郎作詩瘦不應春能生許愁沈郎一作瘦郎

自門下後省歸卧醮池寺觀盧鴻草堂圖

黃塵逆帽馬辟易歸來下簾卧書空不知繡鞍萬人立何如盧郎駕飛鴻

題子瞻寺壁小山枯木

爛腸五斗對獄吏白髮千丈濯滄浪却來獻納雲臺表小山桂枝不相忘

題子瞻枯木

折衝儒墨陳堂書入顏楊鴻鴈行胷中元自有立壑故作老木蟠風霜

題伯時畫搯虎

猛虎肉醉初醒時搯磨苛痒風助威枯楠未覺草先低木末應有行人知

題伯時畫觀魚僧

山谷正集 卷之九 四 及

山谷正集 卷之九 四
橫波一網腥城市日暮江空煙水寒當時萬事心已
死猶恐魚作故時看

題伯時畫頓塵馬
竹頭搶地風不舉文書堆按睡自語忽看高馬頓風
塵亦思歸家洗袍袴

題伯時畫嚴子陵釣灘
平生父要劉文叔不肯為渠作三公能令漢家重九
鼎桐江波上一絲風

題劉將軍鴈
滕王蛺蝶雙穿花東丹胡馬歎胡沙祁連將軍一筆
鴈生不並世俱名家

戲題小雀捕飛蟲畫扇
小蟲心在一啄間得失與世同輕重丹青妙處不可
傳輪扁斲輪如此用

題畫孔雀
桄榔暗天蕉葉長終露文章嬰世網故山桂子落秋
風無因雉雌青雲上

題睡鴨
山雞照影空自愛孤鸞對境不作雙天下真成長會
合兩鳧相倚睡秋江

小鴨
小鴨看從筆下生幻法生機全得妙自知力小畏滄

山谷正集 卷之九
波睡起晴沙依晚照

竹枝詞二首

古樂府有巴東三峽巫峽長猿鳴三聲淚霑裳但以抑怨之音和為數疊惜其聲今不傳予自荊州上峽入黔中備嘗山川險阻因作二疊傳與巴娘令以竹枝歌之前一疊可和云鬼門關外莫言遠五十三驛是皇州後一疊可和云鬼門關外莫言遠四海一家皆弟兄或各用四句入陽關小秦王亦可歌也

其二

浮雲一百八盤榮落日四十九渡明鬼門關外莫言遠四海一家皆弟兄

予既作竹枝詞夜宿歌羅驛夢李白相見於山間曰予往謫夜郎於此聞杜鵑作竹枝詞三疊世傳之不予細憶集中無有請三誦乃得之

其二

一聲望帝花片飛萬里明妃雪打圍馬上胡兒那解聽琵琶應道不如歸

竹竿坡面蛇倒退摩圍山腰胡孫愁杜鵑無血可續

淚何日金雞赦九州

其三

命輕人鮓甕頭船日瘦鬼門關外天北人墮淚南人
笑青壁無梯聞杜鵑

行次巫山宋楸宗遣騎送折花厨醞

攻許愁城終不開青州從事斬關來喚得巫山強項
令插花傾酒對陽臺 知命

萬州下巖 用楊子安韻

空巖靜發鍾聲響古木倒掛藤蘿昏莫道蒼崖鎖靈
骨時應持鉢到諸村

次浮塘驛見張施州小詩 知命

歎息施州成老醜當年王雪瑩相照舊時去天一尺
五今日萬里聽猿叫

題驢瘦嶺馬鋪 知命

老馬飢嘶驢瘦嶺病人生入鬼門關病人耳作五溪
卧老馬猶思十二閑

上南陵坡 知命

風餐水宿六千里蛇退猿愁有八盤上得坡來揔歡
喜摩圍依約見峯巒

次韻任道食荔支有感三首

一錢不直程衛尉萬事稱好司馬公白髮永無懷橘
日六年悵悵荔支紅

其二
今年荔子熟南風莫愁留滯太史公五月照江鴨頭
綠六月連山柘枝紅

其三
舞女荔支熟雖晚臨江照影自惱公天與蹙羅裝寶
髻更接猩血染殷紅

謝楊履道送銀茄四首

藜藿盤中生精神珍蔬長蒂色勝銀朝來鹽醢飽滋
味已覺瓜瓠漫輪囷

其二

君家水茄白銀色殊勝塢裏紫彭亨蜀人生疎不下
箸吾與北人俱眼明

其三

白金作顆非推成中有萬粟嚼輕冰戎州夏畦少蔬
供感君來飯在家僧

其四

畦丁收盡垂露實葉底猶藏十二三待得銀包已戎
穀更當乞種過江南

贈知命弟離戎州
道人終歲學陶朱西子同舟泛五湖船窓卧讀書萬
卷還有新詩來起予

吳生姪拒隨知命舟行

莫去沙邊學釣魚莫將百丈作輓轡清江濯足窓下坐燕子日長宜讀書

翰墨場中老伏波菩提坊裏病維摩近人積水無鷗鷺時有歸牛浮鼻過

維摩老子五十七天子大聖初元年傳聞有意用幽側病者不能朝日邊

禁中夜半定天下仁風義氣徹脩門十分整頓乾坤了復辟歸來道更尊

其四

成王小心似文武周召何妨略不同不須要出我門下實用人材即至公

其五

司馬丞相昔登庸招用元老超羣公楊綰當朝天下喜斷碑零落臥秋風

其六

死者已死黃霧中三事不數兩蘇公豈謂高才難駕御空歸萬里白頭翁

其七

文章韓杜無遺恨草詔陸贄傾諸公玉堂端要真學

士湏得儋州秃鬢翁

其八

閉門覓句陳無已對客揮毫秦少游正字不知温飽未西風吹淚古藤州吹一作揮

其九

張子耽酒語蹇吃聞道穎州又陳州形模彌勒一布袋文字江河萬古流

其十

魯中狂士刑尚書本意扶日上天衢惇夫若在鑄此老不令平地生崎嶇崎嶇云成

謝荅聞善二兄九絕句

身入醉鄉無畔岸心與歡伯為友朋更闌罵坐客星散午過未蘇髮鬢鬢

其二

未嘗頃刻可去酒無有一日不吟詩詩狂克念作酒聖意態忽如年少時

其三

群猪過飲尚可醉疥手輟甕庸何傷柳家兄弟太迫窄狂藥不容人發狂

其四

莫作噐號驚四隣甕中有地可藏真淵明醉握遠公手大笑絕倒人不嗔

阮籍醉睡不論昏劉伶唯助避尊拳至今凜凜有生
氣飲酒真成不愧天

其六

公擇醉面桃花紅入百忤之無愠容莘老夜闌傾數

斗焚香默坐日生東

季擇尚書孫辛老中丞

其七

推牀破面根觸人你無義語怒四鄰尊中歡伯笑爾
輩我本和氣如三春

其八

陶令舍中有名酒無夕不為父老傾四坐歡欣觀酒
德一燈明暗又詩成

其九

阮籍劉伶智如海人間有道作糟丘酒中無物具三
昧便覺嵇康輸一籌

劉邦直送水仙花

錢塘昔聞水仙廟荆州今見水仙花暗香靚色撩詩

句宜在林逋處士家

錢塘有水仙王廟林和靖祠堂近之東坡先生以為和靖清節

賦世遂後神像配食水仙王云

次韻何和鄉行松滋縣與鄒天錫夜語南極

亭二首

雪泥滑滑到山郭提壺勸酒亦不惡林中解道不如

歸家人應念思歸樂

其二

衝風衝雨走七縣唯有白鷗盟未寒坐中更得江南
客開盡南窗借月看

戲簡朱公武劉邦直田子平五首

不趨吏部曹中版且繪高沙湖裏魚雖無季子亦
印要讀田郎萬卷書

其二

歡伯可解藜藿嘲孔方定非金石交君看劉郎最多
智詐者火事幾焚巢

其二

劉郎好詩又能文方我奔竄義甚敦為親未葬走人
門閉門却掃不足論

其四

朱家墳麓好兄弟陋巷六經葵菟秋我火荊州三畝
宅讀田家書從之游

其五

朱公趨朝瘦至骨歸來豪健踞胡牀日看省曹閤者
面何如田家侍兒粧

鄒松滋寄苦竹泉橙麴蓮子湯三首

松滋縣西竹林寺苦竹林中甘井泉巴人謾說蝦蟆
焙試畏春芽來就煎

其二

天將金闕真黃色借與洞庭霜後橙松滋解作逡巡
翅壓倒江南好事僧

其三

新收千石秋蓮菊剥盡紅衣搗玉霜不假參同成氣
味跳珠椀裏綠荷香

題竹尊者軒

平生脊骨硬如鐵聽風聽雨隨宜說百尺竿頭放步
行更向脚跟參一節

謝何十三送鱗頭

形模雖入婦女笑風味可解壯士顏寒蒲束縛十六
輩已覺酒興生江山

養關雞

崢嶸已介季氏甲更以黃金飾兩戈雖有英心甘關
死其如紀渚木雞何

四休居士詩

太醫孫君昉字景初為士大夫發藥多不受謝自
號四休居士山谷問其說四休笑曰麤茶淡飯飽
即休補破遮寒暖即休三平二滿過即休不貪不
妬老即休山谷曰此安樂法也夫少欲者不伐之
家也知足者極樂之國也四休家有三畝園花木
鬱鬱客來煮茗傳酒談上都貴游人間可喜事或

茗寒酒冷賓主皆忘一本有倦字其居與子相望暇則步

草徑相尋故作小詩遺家僮歌之以侑酒茗

富貴何時潤髑髏守錢奴與抱官囚太醫診得人間

病安樂延年萬事休不村三平二

其二

無求不著看人面有酒可以留人嬉欲知四休安樂

法聽取山谷老人詩

其三

一病能惱安樂性四病長作一生愁借問四休何所

好不令一點上眉頭

到桂州

桂嶺環城如鴈蕩平地蒼生忽嶒峨李成不在郭龐

死柰此百嶂千峯何

秋思寄子由

黃落山川知晚秋小蟲催女戲功衰老松閱世卧雲

壑挽著滄江無萬牛

子瞻去歲春夏侍立延英子由秋冬間相繼

其入侍作詩各述所懷予亦次韻二首

赤壁歸來入紫清堂堂心在鬢彫零江沙蹋破青鞵

底却結絲絢侍禁庭

其二

風櫺倒影日光寒堯日當中露正乾殿上給扶鳴漢

復螭頭簪筆見秦冠

次韻游景叔聞洮河捷報寄諸將四首

千仞谿中石轉雷漢家萬騎擣虛回定知獻馬胡雛
入着即稱觴都護來

其二

中原日月九夷知不用禽胡釁鼓旗更向天階舞干
羽降書剝破一年遲聞洮西捷報

其三

漢得洮州箭有神斬關禽敵不遠巡將軍快上屯田
計要納降胡十萬人

其四

遙知一炬絕河津生縛青宜不動塵付與山川印如
斗忍為鼠子腹心人聞洮東捷報

謝鄭閣中惠高麗畫扇二首

會稽內史三韓扇分送黃門畫省中海外人煙來眼
界全勝博物注魚蟲

其二

蘋汀游女能騎馬傳道蛾眉畫不如寶扇真成集陳
見臣今得殺青書

戲贈米元章二首

萬里風帆水著天麝煤鼠尾過年年滄江靜夜虹貫
月定是米家書畫船

其二

我有元暉古印章
印刻不忍與諸郎
虎兇筆力能扛
鼎教字元暉
繼阿章

次韻徐文將至國門見寄二首

槐催舉子著花黃
來食邗鄆道上梁
便欲掃牀懸塵
尾正愁喘月似燈光

其二

千頭割蚌明珠熟
石尺垂絲鱸縷長
柳下石門君有此
可能衝雪殿清涼

趙子充示竹夫人詩
蓋涼寢竹器憇臂休膝
似非夫人之職
予為名曰青一作奴并以此

詩取之二首

青奴元不解梳粧
合在禪齋夢蝶牀
公自有人同枕
簾肌膚冰雪助清涼

其二

穠李四絃風拂席
昭華三弄月侵牀
我無紅袖堪娛
夜政要青奴一味涼

往歲過廣陵值早春嘗作詩云春風十里珠

簾卷髮髻三生杜牧之
紅藥梢頭初蠶栗
揚州風動鬢成絲
今春本館淮南來者道

揚州事戲以前韻寄王定國二首

淮南二十四橋月
馬上時時夢見之
想得揚州醉年

少正園紅袖寫烏絲

其二

日邊置論誠深矣聖處時中得之莫作秋蟲促機
杼貧家能有幾絢絲

謝公擇舅分賜茶三首

外家新賜蒼龍壁北焙風煙天上來明日蓬山破寒
月先甘和夢聽春雷

其二

文書滿案惟生睡夢裏鳴鳩喚雨來乞與降魔大圓
鏡真成破柱作驚雷

其三

細題葉字包青箬割取立即春信來拼洗一春湯餅
睡亦知清夜有蚊雷

呈外舅孫莘老二首

九陌黃塵烏帽底五湖春水白鷗前扁舟不為鱸魚
去收取聲名四十年

其二

甓社湖中有明月淮南草木借光輝故應剖蚌登王
室不若含沙弄夕霏

從張仲謀乞蠟梅

聞君寺後野梅發香蜜染成官樣黃不擬折來遮老
眼欲知春色到池塘

乞姚花二首

正是風光嬾困時
姚黃開晚落應遲
欲雕好句乞春色
日曆如山不到詩

其二

青春日月鳥飛過
汗簡文書山疊重
乞取好花天上

看宮衣黃帶御鑪風

風一作烘

寄杜家父二首

紅紫爭春觸處開
九衢終日犢車雷
閑情欲被春將去
鳥喚花驚只麼回

其二

風塵點汗青春面
自汲寒泉洗醉紅
徑欲題詩嫌浪

許杜郎覓句有新功

寺齋曉起

桃李無言一再風
黃鸝唯見綠匆匆
人言九事八為律
儻有江船吾欲東

重刻黃文節山谷先生文集卷第九

重刻黃文節山谷先生文集卷第十

正集

宋太史分寧黃庭堅魯直著

明後學莆中方 沆子及校

七言絕句

里人周希令子儀編

次韻王稚川客舍二首

五湖歸夢常苦短一寸客愁無柰多慈母每占烏鵲

喜聞人應賦戾戾歌

其二

身如病鶴翹翎短心似亂絲頭緒多此曲朱門歌不
得湖南湖北竹枝歌

同元明過洪福寺戲題

洪福僧園拂糾紉舊題塵壁似昏鴉春殘已是風和
雨更著游人撼落花

戲峴峴峴道乞消梅二首
青莎徑裏香未乾黃鳥陰中實已團
豕豆作烏鹽作白屬聞丹杏薦牙盤

其二
北客未嘗眉自顰南人誇說齒生津磨錢和蜜誰能
許去帶供鹽亦可人

題淨因壁二首

瞑倚團蒲挂鉢囊半窓踈箔度微涼蕉心不展待時
雨葵葉為誰傾夕陽

挂鉢囊一作畫簾長

其二

門外黃塵不見山此中草木亦常閑履聲如度薄冰
過催粥華鯨吼夜闌

以梅餽晁深道戲贈二首

帶葉連枝摘未殘依稀茶塢竹籬間相如病渴應須
此莫與文君蹙遠山

其二

渴夢吞江起解顏詩成有味齒牙間前身鄴下劉公
幹今日江南庾子山

戲詠猩猩毛筆

梳柳葉暗賓郎紅朋友相呼墮酒中政以多知巧言

語失身來作管城公

客有和予前篇為猩猩解嘲者復戲作詠

明窻脫帽見蒙茸醉著青鞋在眼中束縛歸來儻無
辱逢時猶作黑頭公

六月十七日晝寢

紅塵席帽烏鞞裏想見滄洲白鳥雙馬齧枯筭諠午
枕夢成風雨浪翻江

北窻

生物趨功日夜流園林才夏麥先秋綠陰黃鳥北窻
簾付與來禽安石榴

題伯時天育驃騎圖二首

玉花照夜今無種櫪上追風亦不傳想見真龍如此
筆蒺藜沙晚草迷川

其二

明窻槃礴萬物表寫出人間真乘黃邂逅今身猶姓
李可非前世江都王

子瞻寺壁作小山枯木

海內文章非畫師能回筆法作枯枝豫章從小有梁
棟也似鄭公雙鬢絲

題惠崇畫扇

惠崇筆下開江面萬里晴波向落暉梅影橫斜人不
見鴛鴦相對浴紅衣

題郭熙山水

郭熙雖老眼猶明便面江山取意成一段風煙且千里解如明月逐人行

題劉將軍鴈

將軍一矢萬人看雪灑晴空碎羽翰乞與失群沙宿鴈筆間千頃暮江寒

萬州太守高仲本宿約遊岑公洞而夜雨連

明戲作一首

蓬窻高枕雨如繩恰似糟牀壓酒聲今日岑公不能飲吾儕聞健且頻傾

馬上口號呈建始李令知命

驛亭新似眼般明箐路開如掌樣平誰與長官歌美政風搖松竹是懽聲

題蘇若闌回文錦詩圖

千詩織就回文錦如此陽臺莫雨何亦有英靈蘇蕙手只無悔過竇連波

宋林宗寄夔州五十詩一首

碑同峴首千年石詩到夔州十絕歌侘日巴人懷叔子時時解著手摩挲

戲荅史應之二首

老萊有婦懷高義不厭夫家目荷盤收得千金不龜藥短裙漂紉草江

其二

甌有輕塵釜有魚漢庭日日召嚴徐不嫌藜藿來同
飯更展芭蕉看學書

次韻荅馬中玉三首

雨入紗窓風簸船菊花過後早梅前錦江春色薰人
醉也到壺中小隱天

其二

卷沙成浪北風顛銜尾千艘不敢前
酒行人得意買江天

其三

仁氣已蒸全楚盡同雲欲合莫江前
爭春梅柳無三

月對雪樽壘屬二天

次韻中玉早梅一首

梅葉爭先公不嗔知公家有似梅人
何時各得自由去相逐一作趣揚州作好春

次韻中玉水仙花二首

借水開花自一奇水沉為骨玉為肌
暗香已壓酴醾倒只北寒梅無好枝

其二

淤泥解作白蓮藕糞壤能開黃玉花
可惜國香天不管隨緣流落小民家

時聞民間一事如此

劉邦直送早水仙花二首

簌船綉纜北風嗔
寒千林憔悴人
欲問江南近消息
喜君貽我一枝春

其二

探請東皇第一機
水邊風日笑橫枝
鴛鴦浮弄嬋娟影
白鷺窺魚凝不知

戲呈聞善二兄

匏懸籬落鷓窺井
草上皆除雪
袞風想得尊前歌
醉帽渾家兒女笑
山公

戲荅荊州王克道烹茶二首

茗椀難加酒椀醇
暫時扶起藉糟人
何須忍垢不濯足
苦學梁州陰子春

其二

龍焙東風魚眼湯
箇中即是白雲鄉
更煎雙井蒼鷹爪
始耐落花春日長

王楊康國

君家秋實羅浮種
已作纍纍半拂牆
莫遣兒童酸打盡
要看霜後十分黃

謝益修四弟送石屏

石似滄江落日鷗
鷓烏鵲滿沙汀
小兒骨相能文字
乞與斑斑作硯屏

雨中登岳陽樓望君山二首

投荒萬死鬢毛斑
生入瞿塘滌瀨關
朱到江南先一

笑岳陽樓上對君山

其二

滿川風雨獨憑欄
綰結湘娥十二鬟
可惜不當湖水
面
銀山堆裏看青山

戲效禪月作遠公詠

遠法師居廬山下持律精苦過中不受蜜湯而作
詩換酒飲陶彭澤送客無貴賤不過席溪而與陸
道工行過席溪數百步大笑而別故禪月作詩云
愛陶長官醉兀兀送陸道士行遲遲買酒過溪皆
破戒斯何人斯師如斯故效之

邀陶淵明把酒撥送陸脩靜過席溪曾次九流法

鏡人間萬事醉如泥

題徐氏書院

德古羨魚
亭故基

學書但學溪老鵝讀書可觀樵夫歌紫髯將軍不復
見空餘巖桂綠婆娑

老一作姥
歌一作柯

贈石敏若

才似謫仙唯欠酒情如宋玉更逢秋相看領會一談
勝注目長江天際流

題君子泉

雲夢澤南君子泉水無名字託人賢兩蘇翰墨相為
重未刻它山世已傳

鄂州南樓書二首

四顧山光接水光
借風十里芡荷香
清風明月無人管
併作南樓一味涼

其二

武昌參佐幕中畫
我亦來追六月涼
老子平生殊不淺
諸君少住對胡牀

南樓畫閣觀方公悅一小詩戲次韻

重山複水繞深秋
不見高賢獨倚樓
手拂壁間留恨句
凌波微步有人愁

寄賀方回

少游醉卧古藤下
誰與愁眉唱一盃
鮮作江南斷腸句
只今唯有賀方回

戲荅王子予送凌風菊二首

病來孤負鷓鴣杓
禪板蒲團入眼中
浪說閑居愛重九
黃花應笑白頭翁

其二

王郎頗病金瓢酒
不耐寒花晚更芳
瘦盡腰圍怯風景
故來歸我一枝香

謝王子予送橄欖

方懷味諫軒中果
忽見金盤橄欖來
想共餘甘有瓜葛
苦中真味晚方迴

戎州蔡次律家軒外有餘甘余名之曰味諫

次韻文潛立春日三絕句

少然今日望
斷梅口發黃州雪
更回試問淮南風月

新年燕李為誰開

其二

誰憐舊日青錢選不立春風上笋班傳得黃州新句
法老夫端欲把降幡

其三

江山也似隨春動花柳真成觸眼新清濁盡須歸甕
蟻吉凶更莫問波臣

求范子默染鴉青紙一首

學似貧家老破除古今迷忘失三餘極知鵠白非新
得漫染鴉青襲舊一作老

題小景扇

青柳色黃桃花露落杏花香春風不解
却春日偏能惹恨長

甯子興追和予岳陽樓詩復次韻一首

去年新霽獨憑山似樊姬擁髻鬟箇裏宛然多事
在世間遙望但雲山

和甯子興白鹿寺

谷郎巖開見佛燈雲遮霧掩碧層層青山得意看流
水念鹿歸來失舊僧

題花光畫山水

花光寺下對雲沙欲把輕舟釣車更看道人烟雨
筆亂峰深處一作吾家

江湖南野中有一種小白本高數尺春開極香

野人謂之鄭花王荆公嘗谷作詩而陋其名予詩

曰山礬野人採鄭花葉以染黃不借礬而成色

故名山礬海岸孤絕處補陀山譯者以謂小白花

予疑即此花爾不然何以觀音老人端坐不去耶

世作場花山谷馮為鄭

高節亭邊竹已空山礬獨自倚春風二三名士開顏

欠把斷花光水不通

戲詠零陵李宗古居士家馴鷓鴣一首

愛古大槐言萬里蒼梧一洗空終日憂兒不

鷓鴣是鼻

寄黃龍清老三首

兩山不隔中秋月一鴈能傳寄遠書深密伽陀枯戰

筆真成相見問何如

其二

風前橄欖星宿落日下桄榔羽扇開照黠堂中有相

憶清秋忽遣化人來

其三

騎驢覓驢但可笑非馬喻馬亦成癡一天月色為誰

子二老風流只自知



文部省
蔵書印
第十

